

WIZARA YA ELIMU, SAYANSI, TEKNOLOJIA NA MAFUNZO YA UFUNDI
SHULE YA AWALI NA MAFUNZO YA UFUNDI
KAZI YA RIKIZO MEI 2020

KISWAHILI VII

JINA: _____ **TAREHE:** _____

MAELEKEZO

1. Karatasi hii ina sehemu A,B,C,D,na E yenye maswali 45
2. Jibu maswali yote katika kila sehemu
3. Maswali 1-40 ni ya kuchagua. Andika herufi ya jibu sahihi kwenye kisanduku pembeni
Maswali 41-45 uyajibu kwa majibu ya kujieleza kwa ufupi
4. Mwandiko mzuri ulio wazi utakupatia alama halali

SEHEMU A: SARUFI

1. Wingi wa sentensi ‘ng’ombe wangu alizaa’ ni upi? _____
(a) Ng’ombe zangu zilizaa (d) Ng’ombe wetu alizaa ()
(b) Ng’ombe wangu walizaa (e) Ng’ombe wetu walizaa ()
(c) Ng’ombe zao zilizaa
2. Acha kufanya jambo kwa kuofia litaleta matokea mabaya. Neno lipi kati ya yafuatayo lina maana ya maelezo hayo.
(a) Ukungu (d) Farijika ()
(b) Huzuni (e) Hasira ()
(c) Chelea
3. Kamilisha sentensi ifuatayo kwa neno stahili.
“Mama _____majonzi kwa kufiwa na mtoto wake.
(a) Alihisi (d) Aliona ()
(b) Alikuwa na (e) Alijifariji ()
(c) Alisikia
4. Kati ya maneno yafuatayo ni lipi lisilohhusiana na mengine: _____
(a) Kanchiri (d) Kaptura ()
(b) Suruali (e) Kanzu ()
(c) Kofia
5. Mama atapika chakula katika sentensi hiyo kiambishi cha wakati ni kipi kati ya vifuatavyo;
(a) –ma – (d) –ni- ()
(b) –ku- (e) Cha- ()
(c) –ta-
6. Wapishi hupika chakula cha wanafunzi wote. Kitenzi cha sentensi hiyo kiko katika hali gani?
(a) Mazoea (d) Sasa ()
(b) Kuendelea (e) Iliyopita ()
(c) Timilifu ()

7. Nilicheza mpira uwanjani kwa nud wa kutosha. Sentensi hiyo ni ya nafsi ipi?_____
- (a) Nafsi ya kwanza (d) Nafsi ya tatu
(b) Nafsi ya pili (e) Nafsi ya kwanza wingi
(c) Nafsi ya tatu umoja
8. Hawakufanya mgomo wowote. Kipi ni kiambishi cha nafsi katika sentensi hiyo_____
- (a) –wa- (d) –fa-
(b) Ha- (e) –te-
(c) –ku-
9. Katika neno “wanamtukuza,” kiambishi cha nafsi mtendwa ni kipi? _____
- (a) Wa- (d) –m-
(b) –tu- (e) –ku-
(c) –na-
10. Ni seti ipi ya maneno iko katika ngeli ya U-I_____ ()
- (a) Meza, kalamu, nguo (d) Kitabu, chungu, kiti
(b) Airisha, papai, jipu (e) Ukuta, ungo, ufagio
(c) Mti, mlango, mkoba
11. Uyakinishi wa neno “ usichelewe” ni _____ ()
- (a) Chelewa (d) Usije
(b) Achelewe (e) Uwahi
(c) Cheleweshwa
12. Wazazi wake wanaishi karibu ya shule yetu kifungu cha maneno kilichopigiwa mstari kimetumika kama _____ ()
- (a) Kivumishi (d) Kihisishi
(b) Kiunganishi (e) Kitenzi
(c) Kielezi
13. Kelele anayotoa mtu anayeomba msaada ni yowe au _____ ()
- (a) Kilele (d) Nduru
(b) Kigelegele (e) Ukulele
(c) Mluzi
14. Kisawe cha mvivu ni _____ ()
- (a) Kegelege (d) Kakamavu
(b) Mnyonge (e) Hodari
(c) Mzembe
15. Mahali pasipo mvua, majani wala miti ni _____ ()
- (a) Bahari (d) Jangwa
(b) Mjini (e) Milima
(c) Barabara

16. Sisi tulifukia takataka sentensi hiyo iko katika kauli ipi? _____ ()
 (a) Kutendeka (d) Kutendana
 (b) Kutenda (e) Kutendesha
 (c) Kutendea
17. Bwana shamba wetu alizindua mbegu bora. Katika sentensi hiyo kitenzi katika sentensi hiyo ni _____ ()
 (a) Shamba (d) Alizindua
 (b) Mbegu (e) Wetu
 (c) Bora
18. Mbwa huyu anabweka vibaya. Neno vibaya katika sentensi hiyo limetumika kama;- ()
 (a) Kielezi (d) Nomino
 (b) Kivumishi (e) Kiunganishi
 (c) Kitenzi
19. Mtoto mlafi amepaliw na chakula. Neno lililopigiwa mstari ni _____ ()
 (a) Kitenzi shirikishi (d) Kitenzi
 (b) Kivumishi cha A-unganifu (e) Nomino
 (c) Kiunganishi
20. Kulia kwake ni kicheko kwetu. Neno lililopigiwa mstari limetumika kama aina ipi ya nomino. ()
 (a) Nomino (d) Kula
 (b) Kitenzi (e) Kiwakilishi
 (c) Kinyume

SEHEMU B: LUGHA YA KIFASIHI

21. Chungulia kaburi ni nahau yenye maana sawa na nahau ipi kati ya zifuatazo _____ ()
 (a) Gofu la mtu (d) Ponea chupachupa
 (b) Tia chumvi (e) Shikwa na homa
 (c) Oga dunia
22. Ukimtoa nje hufa. Jibu la kitendawili hiki ni _____ ()
 (a) Mjusi (d) Samaki
 (b) Yai (e) Nguo
 (c) Kuku
23. Mioyo yao ilifinywa baada ya kukosa kile walichokitegemea. Nini maana ya nahau iliyopigiwa mstari _____ ()
 (a) Walisikitishwa (d) Walisamehe
 (b) Waliumia (e) Walihofu
 (c) Walikimbia

24. Mama hachoki kunibeba ni kitendawili kilicho na maana iliyo sawa na kitendawili kipi kati ya vifuatavyo _____
- (a) Ubwabwa wa mwana mtamu (d) Hausimami hausimiki
(b) Mama nieleke (e) Amefika kabla mjumbe hajarudi
(c) Gari langu halitumii mafuta ya waarabu
25. Kamilisha methali “Paka akiondoka _____
- (a) Panya huvizia (d) Hapaingii panya
(b) Ndipo painukapo (e) Panya hujificha shimoni
(c) Panya hutawala
26. Njia ya mwongo ni fupi. Methali ipi kati ya zifuatazo ina maana inayolandana na hiyo. _____
- (a) Mbio za sakafuni huishia ukingoni (c) Mla ni mla deo, mla jana kala nini?
(b) Mtaka yote kwa pupa hukosa yote (d) Nyama ya ulimi ni tamu
(e) Ngozi ivute ili maji
27. Methali ipi kati ya zifuatazo ni kinyume cha methali, “si vyote ving’avyo ni dhahabu”
- (a) Subira yavuta heri (d) Haraka haraka haina Baraka
(b) Mvunja nchi ni mwananchi (e) Mtoto mkaidi afaidi mpka siku idi
(c) Dalili ya mvua ni mawingu
28. Babu anapiga mbizi, akiibuka ndevu zimekuwa nyeupe. Kitendawili hicho kinateguliwa kwa jibu lipi? _____
- (a) Mwiba (d) Taa
(b) Mwiko (e) Nyota
(c) Mkono
29. Alipofika uwanjani, alimkuta mtu wa miraba minne. “mtu wa miraba minne maana yake ni ipi? _____
- (a) Mtu mwenye shati la miraba minne (d) Mtu mnene na mwenye nguvu
(b) Mtu aliyechora miraba minne (e) Mtu mwembamba asiye na nguvu
(c) Mtu mfupi na mnene
30. Visha kilemba cha ukoka ni nahau inayolandana katika maana na nahau isemayo;-
- (a) Piga chuku (d) Zunguka mbuyu
(b) Kufa moyo (e) Paka mafuta kwa mgongo wa chupa
(c) Piga mtindi

SEHEMU C: USHAIRI

Soma shairi lifuatalo na kisha jibu maswali

Maua kwa uhakika, ni mapambo ya dunia,
Yatazame kila mwaka, lazima yatachanua,
Ni wakati wa masika, mbeuze huzifumua.

Miche nayo inatoka, ikaanza kuchipua,
Mvua ikianguka, huendelea kukua,
Hata kimo kikifika, utayaona maua.

Mlangoni ukitoka, linapochomoza jua,
Utataka kuondoka, macho yalivyokutua,
Kuyakata utataka, mikononi kuchukua.

Pengine utayafyeka, ukutani kuyatia,
Mezani pia kuweka, jioni ikifikia,
Yote yameshakauka, ukijisikitikia.

Kama kweli wayataka, mbona wayashambulia?
Lazima yatakauka, mtini ukiyatoa,
Nao nyuki wakifika, wabaki kulialia.

Maua jana wacheni, humo mwake bustani,
Msiyatie mkononi, wala uzuri nyweleni,
Uzuri wa mlango, hupendeza kwa wageni.

Maswali

31. Shairi hhili lina beti ngapi? _____
(a) Tatu (d) Nane
(b) Sita (e) Tisa
(c) Nne
32. Kila ubeti wa shairi hhili una mishororo _____
(a) Miwili (d) Minne
(b) Kumi na mbili (e) Sita
(c) Mitatu
33. Shairi lote linahusu nini? _____
(a) Watu wapendao maua (d) Maua
(b) Wadudu (e) Mvua
(c) Wageni wapendao maua
34. Mashairi yanayokuwa ya mistari mitatu huitwa
(a) Tarbia (d) Utano
(b) Tathilitha (e) Mizania
(c) Takhmisa

35. Ni ubeti upi wenye vina vya kati “ni” na vya mwisho ni ni pia. _____
(a) Wa kwanza (d) Wa sita
(b) Wa pili (e) Wa tano
(c) Wa nne

SEHEMU D: UTUNGAJI

Umepewa insha yenye sentensi tano (5) zilizoandikwa bila mtiririko wa mawazo. Zipange ili ziwe na mtiririko wenye mantiki kwa kuzipa herufi A,B,C,D,na E katika nafasi za majibu.

36. Nilipofika darasa la tano sikuamini kama ningemaliza shule ya msingi kwani masomo yalikuwa magumu
37. Sasa naanza kufikiria jinsi ya kujiunga na elimu ya sekondari.....
38. Nilipokuwa mdogo, nilikuwa natamani sana nianze shule ili nikajifunze mengi nsiyoyajua.....
39. Lakini kama muujiza, sasa namaliza darasa la saba.....
40. Ndoto yangu ilikuwa kweli pale mama aliponipeleka shule kuanza darasa la kwanza.....

SEHEMU E: UFAAMU

Soma barua ifuatayo na kisha ujibu maswali 41-45 kwa ufupi

Shule ya msingi sotendungu,
S.L.P 8765,
Songambebe.
27.07.2012

Kwako mama mpendwa,

Salamu nyingi zikufikie hapo ulipo. Je wote hamjambo hapo nyumbani? Mimi ni mzima wa afya na naendelea vema na masomo yangu. Wasiwasi wangu ni kwenu nyinyi mlio mbali na upeo wa macho yangu. Endapo wote ni wazima, furaa iliyoje kwangu.

Nina furaha kubwa kukutaarifu kuwa nimefaulu vizuri sana. Nimekuwa wa kwanza katika mtihani wa darasa la tatu, muhula wa kwanza. Mama naomba umkumbushe baba kuhusu ahadi yake ya kuninunulia baiskeli. Naahidi pia kufanya vizuri katika mtihani ujao.

Wako mwanao
Amina Said

Maswali

41. Mwandishi wa barua hii ni _____
42. Mwandishi aliiandika barua hii lini? _____
43. Lengo la barua ni nini? _____
44. Mwandishi anasoma darasa gani? _____
45. Hii ni aina gani ya barua? _____